

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 19 DE ABRIL 2013 ÁS 14:00 HORAS.

Sendo as catorce horas (14:00) do día 19 de abril de 2013, reúnese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular

M^a Eugenia Martín Vicente
M^a Carmen Verde Leboráns
Alfredo Taboada Alvelo

Grupo municipal socialista

José Manuel Miñones Conde
M^a Isabel González Cancela

Concelleiras/os non adscritas/os

M^a Pilar Candocia Pita
Susana Mallo Redondo
Olalla Alvite del Río
Xosé Anxo Doval Rey
M^a Dolores Fernández Álvarez
Manuel J. Ferreiro Santiago
Alfonso Rey López
María González Gómez
Emilio Martínez Carballeira
Ramón García Argibay

Presidente: Don Santiago V. Amor Barreiro

Secretaria: Dona Rosa Ana Prada Queipo.

ORDE DO DÍA:

Punto primeiro.- Aprobación, se procede, de actas anteriores.

Por unanimidade apróbase a acta correspondente á sesión de 22 de marzo de 2013.

Punto segundo.- Nova composición das comisións informativas permanentes.

Solicita a palabra o concelleiro don **Xosé Anxo Doval Rey** para dicir, substancialmente, que non está de acordo coa proposta do goberno porque entende que restrinxen os dereitos políticos individuais que a lei outorga a todas/os concelleiras/os non adscritas/os, engadindo que ao non pertencer a ningún grupo político a el non o representa ninguén, e se , por exemplo, quixera facer unha aportación ou un voto particular, non podería, porque non estaría presente na comisión informativa. Indica que é unha contradición por parte dos partidos maioritarios que elaboraron unha serie de leis que levan a estas situacións, tendo que loitar os secretarios das corporacións con situacións absolutamente infumables.

Intervén a concelleira dona **Pilar Candocia Pita** para dicir, substancialmente, que para todos sería máis cómodo o funcionamento por medio de grupos políticos pero que se non pode ser o que hai é isto e non poden aceptar a restrición dos seus dereitos.

Intervén a concelleira dona **Olalla Alvite del Río** para, substancialmente, dicir que na proposta non se respecta a proporcionalidade, porque ela, como non adscrita, ten

dereito a estar na comisión, e é unha persoa individual, Olalla Alvite, e se non está presente, non a representa ningún. Ao deixar de pertencer a un grupo municipal non poden ter mais dereitos dos que tiñan, pero con esta proposta teñen menos, e hai que ter en conta a excepcionalidade desta corporación.

Polo grupo municipal socialista intervén don **José Manuel Miñones Conde** para, substancialmente, dicir que partindo da base de que eles non crearon o problema e por tanto non son quen teñen que buscarlle solución, entenden que a situación non pode continuar así porque tal e como está o seu grupo está sendo prexudicado, xa que non pode acudir ás comisións mais que dúas persoas das seis que compoñen o grupo, por non falar do custe económico que lle supón cada comisión ao concello por asistencias. Continúa dicindo o señor Miñones que, como grupo, hai agravio comparativo con respecto aos concelleiros non adscritos. En canto á proposta, entende que se mantén a proporcionalidade, pero entende que o problema é a excepcionalidade que ten a corporación neste momento, botando en falta un regulamento orgánico. Reitera que non é asunto do seu grupo buscar solucións e anuncia a súa abstención.

Intervén dona **María Dolores Fernández Álvarez** para plantexar a posibilidade de acudir ao voto ponderado, o cal a señora **secretaria** considera que é unha figura actualmente interrogada.

Intervén a señora secretaria dona **Rosa Ana Prada Queipo** para explicar que se trata dun tema complexísimo polo feito de que de 21 concelleiros haxa 10 non adscritos. Indica que, en discrepancia co señor Doval, opina que na proposta si se garda a proporcionalidade, pois a comisión informativa ten que ser un reflexo, a menor escala, do que é o pleno. O grupo municipal popular, coa actual composición de 5 membros e o grupo municipal socialista coa súa composición orixinaria de 6 membros, son en total 11, é dicir, maioría absoluta. Isto ten que garantir que a presenza do PP e do PSdeG na comisión informativa, mantendo en 7 os membros de comisión, teña maioría absoluta na comisión, que son 4, de xeito que só restan 3, que son para o resto dos concelleiros, neste caso non adscritos. Como repartir eses 3 é algo a decidir entre os concelleiros. Se garante a proporcionalidade, o que o ocorre é que esta materia é moi novedosa e a xurisprudencia é moi recente. O que está claro na lexislación é que os non adscritos teñen dereito a participar nas comisións e que ten que haber proporcionalidade, que non se lles pode prexudicar pero tampouco poden estar sobrerrepresentados. Ante as discrepancias e dúbidas dos concelleiros a señora secretaria propónlles que este asunto non se leve a este pleno e se eleve unha solicitude de informe á Deputación ou á Xunta de Galicia consensuando entre todos o que se vai preguntar.

Os presentes continúan intercambiando pareceres, acordando finalmente que este punto se retire da orde do día e **Dona Olalla Alvite** di que acepta retirar o punto pero baixo a condición de que para o próximo pleno veña o regulamento orgánico, e solicita que esta última intervención conste en acta.

E non habendo mais asuntos de que tratar o señor presidente da por rematada a sesión ás catorce horas e trinta minutos do día de referencia de todo o que eu como secretaria certifico.